


79
广 西

土 官 岑 氏 莫 氏 族 譜

内部材料
注意保存



广西民族研究所

一九六五年三月

編 印 說 明

土官在广西部分地区的統治，如果从唐代的羈縻州算起，時間竟達一千多年。土司制度的發生、發展及其消亡過程，是广西地方史的一個組成部分。弄清楚這個特殊的政治制度及其在一定歷史時期所起的作用，是有助於了解广西的社會歷史面貌，特別是广西僮族社會歷史面貌的。基於這一目的，我們在多年的僮族社會歷史調查中，陸續收集了這方面的材料，土官宗族譜牒，便是其中的一個項目。現在把兩本比較完整的——田州岑氏和忻城莫氏土官的族譜付印，以供研究參考。

在舊社會里，人們為了抬高自己的地位和身份，在族牒家譜里，往往把自己的先人作過分的粉飾和誇張。特別是在歷代封建王朝對少數民族的歧視和壓迫下，往往迫使少數民族不願承認自己的民族成份。因此，他們中的一些統治階級，總是想方設法把自己祖先說成出自中原的“名門貴胄”。特別是已經爬上了世襲职位的土官，當然更不願處於為人歧視的“蠻夷”之列，則攀高附貴，自然算不得是一件什麼奇怪的事了。以此出發來看任何的家族譜牒記載，如果把它當作完全可信的事實，那是極其錯誤的。但是，其中有的記載，或涉及當時當地的社會政治經濟狀況，或紀錄土官與封建王朝或統治下人民的关系，往往又較正史和方志為詳。象這樣的材料，也正是我們所需要的東西。

《岑氏源流譜》，是广西僮族自治区檔案館在百色地區采獲的。原件是稍有殘缺的手抄本，後經該館復抄保藏。此帙既經輾轉謄抄，脫訛之處，在所不免。我們又因時間关系，加之原抄本已送

还原收藏人，除改正了一些明显的脱讹之外，未能详加校订，补缺正误，只好俟诸异日。土官岑氏，自元代以后，其势力逐步扩张，逮及明代，以田州为中心的整个右江地区，几乎都由岑氏控制，而田州则竟以“封疆表于内地，士马雄于近郊”见称。《岑氏源流谱》中，涉及与夷事有关的问题不少；有的记载，亦可补正史之不足。至于这个统治阶级的内部，常因争袭夺地而相互掠夺、仇杀，给当地生产以极大的破坏，记述也比较详尽。这部分材料，我们认为尚有一定的参考价值，嗣经商得该馆同意，借给我们排印保存，以供研究参考。《读修莫氏族谱》，原本系石印本，忻城县档案馆收集保存。我所派人至该县调查时，承慨予借抄。在此并致谢意。这本资料在付印前虽由我所唐兆民同志作了一些校勘整理工作，但是错漏之处，看来难免，敬请读者指正！


广西壮族自治区民族研究所
1965年3月

譜 流 源 氏 岑 州 田

岑 氏 源 流 謹 敘

世出周文王封其異母弟耀之子渠為岑亭。子孫以國為氏。自渠歷十九世。傳至東漢舞陰侯彭公之後。遷居浙江紹興府、餘姚縣、上林鄉、石人里、岑王村。世家大族。莫不（缺）牒。以昭示來茲。豈（缺）陳其姓望之（缺）所以敦本篤親。使後世子孫不敢口所自也。蓋子姓繁衍。則遷析眾多。非筆之（缺）。將數世以還。茫然不知祖考所自出。（缺）視如秦越焉。則家乘之作。敢以為不（缺）而忽諸。我嶺右岑氏。來自浙之餘姚。留鎮之後。振振繩繩。為（缺）將軍。為都督，為方（缺）間入名宦而祀鄉賢（缺）。功勳彪炳。方冊明詔。所謂五百年忠孝之家也。由田初大宗。而推子孫遷移支派。凡南、太、泗、鎮、柳、庆、思、潯。俱皆有之。而統宗會元。必先溯其根本。以分疏其枝葉。庶無依草附木之患焉。况自西粵而進溯南陽。我興遠祖舞陰侯。圖燦云臺。功標炎漢。更有三岑載頌。卓爾循良。此外名播嘉州。聲傳魏郡。展猷幕府。坐興棠蔭之歌。共賞蓮花之賦。詩與李杜相頡頏。而懷才以處者、亦彬彬焉。揭于篇首。俾子孫知所法守。亦以使後世興思其源流之長遠焉爾。

南 陽 岑 氏 源 流 支 派 圖



植景——垂渭况参乘則——仲翔義仲林猷——靖——融——.....

淳淑世居浙江
正淑迁居广东
仲淑移居广西

.....翔由永宁軍鎮守邕州始迁入田州

田州岑氏嫡派正系大宗图

始祖 翔公——英公——雄公——世兴公——帖木儿公——也先公——
伯顏公——永通公——祥公——紹公——鏞公——溥公——猛公——
邦相公——芝公——太祿公——懋仁公——廷鐸公——叔华公——
应祺公——游公分居侖庄
淳公天亡
瀾公来襲而卒
浩公阳万州判宜栋公——孙襲祖职
煥天亡——勳分居恆庄裕基——鍾天亡乃秀乃蔚
照——裕壇——錦復襲乃青（故絕无嗣）
煜承襲復职裕培繼——鉞

粵田岑氏历代官职

宋、岑仲淑公。授銀青光祿大夫、麒麟武卫上將軍。加封粵国公。都督桂林象郡三江諸州兵馬。鎮守邕宁。

宋、岑自停公。授金紫光祿大夫、麒麟武卫大將軍。鎮守左右两江羈縻諸州。知永宁州、鎮守左右两江羈縻諸州。授武略大將軍、沿边谿崗安撫使。田州来安二路总管羈縻諸州。

宋、二世祖岑英公。襲封田州来安二路軍民都总管、沿边谿崗安撫使。

元、三世祖岑雄公。授武略大將軍、來安田州二路軍民都總管。沿邊谿崗安撫使。

元、四世祖岑世興公。授來安田州二路都督總管。加授懷遠大將軍。佩雙珠虎符。兼左右兩江安撫使。

元、五世祖岑帖木兒公。授明威將軍。田州二路軍民都總管。統轄十六州九縣。佩雙珠虎符。

元、六世祖岑也先公。授武德將軍。加忠順大夫。知田州來安路軍民都總管。

明、七世祖岑伯顏公。授懷遠大將軍。領田州知府事。

明、八世祖岑永通公。授忠順大夫。晉都指揮使。管田州府事。

明、九世祖岑祥公。授中憲大夫、田州知府。

明、十世祖岑紹公。授中憲大夫、田州知府。

明、十一世祖岑鏞公。授通議大夫、布政使司右參政。仍管田州知府事。

明、十二世祖岑溥公。田州府知府。

明、十三世祖岑猛公。授指揮同知。領田州事。

明、十四世祖岑邦相公。授奉訓大夫、田州知州。

明、十五世祖岑芝公。授奉訓大夫田州知州。

明、十六世祖岑太祿公。授奉訓大夫、田州知州。

明、十七世祖岑懋仁公。授參將。加總兵服。領田州事。

明、十八世祖岑廷鐸公。授右都督恢剿將軍。領田州事。

皇清、十九世祖岑漢華公。授奉直大夫、田州知州。

皇清、二十世祖岑應祺公。授奉直大夫、田州知州、加四級。

皇清、二十一世祖岑瀾公。贈奉直大夫。

皇清、二十二世祖岑宜棟公。授中憲大夫。

皇清、二十三世祖岑煜公。欽賜四品官、中憲大夫。世襲云騎尉。

知田州知州。

余姚岑氏粵田源流世譜

水之流莫大于江河。願未有离其源口自为大者。况于人乎。自耳孙推而上至鼻祖。且自鼻祖更推其所自出之祖。此追远之义也。穷流溯源。可謂仁至义尽矣。吾家（缺）西。譜系以迁祖为始。遙遙（缺）拟依摹然南阳之謂何。則（缺）又以口而推源之。譬諸泉水之流。（缺）而（缺）之流云耳。

粵田岑氏。源从舜水。系出于姬周。文王封異母弟耀之子渠于岑亭。后世子孙依以为氏。自渠历傳十九世。至彭公。居棘阳。为潁川守。有甘露嘉禾凤凰麒麟之瑞。光武中兴。拜大將軍。封舞阴侯。图象云臺。薨諡曰壮。蜀人感公威信。立庙貌岁时祀。詳載史傳。生有二子。长曰遵。次曰进。遵、二世祖。授永平中官。屯騎校尉。嗣封細阳侯。建武十三年。益封遵之弟进为穀阳侯。长房遵、生三世祖伉。嗣爵为細阳侯。生四世祖祀。嗣侯爵。元初三年。坐事失国。建光元年。帝追思彭公功。复封公为細阳侯。順帝时。为光祿勳。生五世祖熙公。襲侯爵。少为侍中虎賁中郎将。朝廷每称其能。尚安帝妹涅阳公主。迁魏郡太守。招聘隱逸。与参政事。視事二年。與人歌之曰。我有枳棘。岑公伐之。我有蠹賊。岑君遏之。狗吠不惊。足下生蘼。含哺鼓腹。焉知凶災。我喜我生。独丁斯时。美矣岑君。于戏休兹。年逾古稀。无疾而終。相州为之立祠祀焉。生六世祖福公。襲侯爵。兼黃門侍郎。生七世祖景公。是暮口退隱田野。自耕自食。时人高之。生八世祖口公。順帝时。为城門校尉。生九世祖豫（缺）太守。逮事坐罪。生十世祖晔公。（缺）既然有董正天下之志。郭林宗、朱公叔皆与友善。弘农太守

成譜聞公名。請為(缺)法。不避权奸。后以党錮之禍。挂冠隱去。終于江夏山中。有傳垂世。生十一世祖伯亮公。隨父避難。隱居江夏。文行為時推重。生十二世祖軻公。仕吳。為會稽太守。政聲丕著。生十三世祖伯然公。亦仕于吳。書法與蔡邕齊名。生十四世祖威公。建安末年。官鎮遠將軍。性忠貞。殉國難。生十五世祖文瑜公。官于廣州。后入長安。七子交游。流寓江陵。生十六世祖。長曰善紆公。次曰善方公。紆公生子之敬公。之敬生子德潤公。德潤生子道愿公及珏公。皆學道。道成仙去。愿諡睿鑑真人。珏封号珠仙。善方公官散騎常侍、吏部尚書。生十七世祖象公。仕隋。為邯鄲令。生十八世祖。長曰文幸公。次曰文昭公。三曰文本公。四曰文德公。五曰文叔公。時父象公坐罪入獄。文本公見父冤不白。赴上台直辯。知公能文。令作蓮花賦。賦就。口台鑒賞稱美。父罪乃釋。文叔公歷官校書郎。生十九世祖。長曰長倩公。次曰長鞠公。長倩公。垂拱初仕至夏官尚書。拜文昌右相。晉爵鄧國公。諡烈。有傳垂世。生二十世祖。長曰植景。次曰楷景。植景公仙晉二州刺史。生二十一世祖。長曰垂。次曰渭。三曰况。四曰參。俱皆貴顯。時父子兄弟在朝顯要者三十六人。史稱岑氏為一時之盛。參詩與李杜相頡頏。况公官潮州別駕。生二十二世祖則公。官右卫府參軍。生二十三世祖。長曰羲。次曰猷。三曰仲林。四曰仲翔。五曰季翔。同時為官。俱皆貴顯。猷公官拜國子監司業。公與弟仲林、仲翔及兄羲。同時為官。皆著勳績。時宰相宋楚客語御史曰。無遺江東三岑。此之謂也。生二十四世祖弘通公。寒倩公。官后唐州刺史。生二十五世祖。長曰融。次曰珍。融公仕唐為諫議大夫。知襄州軍。管內勸農事。兼提督隋郢諸州兵馬巡檢公事。加上柱國銀青光祿大夫。生二十六世祖象求公。襲父爵。生二十七世祖。曰孟祥。曰世衡公。工岐黃術。積德行義。辛州人皆稱長者。生二十八世祖。曰

正淑。曰仲淑。曰淳淑。正淑公仕官至上柱国。迁居广东之沙提。今为东甌望族。淳淑公世居浙江。仲淑公仕宋。为麒麟武卫上将军。随狄青武襄公来粤西。征儂智高建功。事平。留公治永宁军。封粤国公。家于邕管。凡岭西有岑氏者。皆自公始也。生二十九世祖自停公。功封武阴侯。生三十世祖。曰国瑛。曰国璵。曰国珍。然瑛璵二人旋里。国珍公授武功将军。生三十一世祖长曰翱。少年夭亡。次翔公。宋崇宁间归化蛮叛。募义兵平之。得地内附。詔赐世守西土。授沿边谿岗军民安撫使。移治田州。凡东州、泗城、思恩、安德、武隆、順龙、恩城、上隆諸州、皆隶焉。是为田州世守一世始祖。生二世祖英公。官授沿边谿岗安撫使。兼来安田州二路总管。生三世祖。曰毅。曰雄。曰高。曰聪。雄公官拜沿边谿岗安撫使。加武略将军。兼来安田州二路总管。貞元元年間。举庶兄毅、分管鎮安路。子孙皆得傳襲焉。雄公生四世祖。曰世兴。曰世坚。曰世元。曰世隆。曰世昌。曰世权。循例以嫡长世兴襲父职。官拜沿边谿岗军民安撫使。佩双珠虎符。仍兼来安田州二路总管。貞元元年。时羈縻諸州蛮叛。檄公平之。統轄左右两江兵备（军务）。屡建奇績。加封怀远大将军。时公举弟世坚授上隆州。世昌授功饒州。世隆授恩城州。世权授万德州。世兴公生五世祖。长曰帖木儿。次曰阿刺兰。三曰怒木罕。四曰阿刺辛。五曰不花也。延祐六年。循例以帖木儿公襲父职。官拜来安田州二路总管。加明威将军。仍兼军民安撫使。佩双珠虎符。統轄十六州九县。当此之时，举弟怒木罕分管泗城。弟阿刺辛出繼鎮安。弟阿刺兰分管思恩。弟不花也分管奉議。皆得傳襲焉。帖木儿公生六世祖。长曰也先。次曰佐元。三曰佐应。四曰佐罄。循例以也先公嫡子襲父职。至元六年。以平谿岗功加封武德将军。授来安田州二路总管。仍兼军民安撫使。是时。公庶母黄氏欲謀害公。以己子为官。初。賄賂

刺客害公。不获。乃复阴谋于五月五日設竞渡陷公。公不悟。至期。黃氏偕公登舟。众鼓棹爭斗。而黃氏于別舟遁先回。俄而龙州覆。公溺于江流。求屍不得。后之子孙。皆望江設祭。今东慕洲地。即公所溺之处也。公妻周氏聞变。一慟几絕。既泣曰。此黃氏毒謀耳。夫君既遭害。急宜存孤。乃怀印。召家奴永伍負七岁子伯顏走匿头目李什家。什惧不免。即与众头目黃道庇、韦宾、李道仕、韦道理、黃寿忠、黃牛等。謀奉伯顏奔归順。黃氏索伯顏。不获。遂以己子佐应冒襲領田州事。甲申年。佐应复据鎮安。伯顏奔思恩。未几。佐应为佐元部下所杀。黃氏又以其季子罄伪領（下缺）

复索伯顏甚急。顏更走乐昌。徙武緣。变姓名。就学邕州。是时泗城岑福广因田州有黃氏之乱。欲謀吞并田州。乙酉年。勒兵入田。罄及黃氏皆为所杀。据住州地。招諭目民。佯为也先报仇。且言求亡孤承襲。顏聞之。将往見福广。头目黃牛諫曰。福广尝言来安路本其父业。今据我疆土。久假不归。名虽代为报仇。实图吞并。往見恐不利。望主裁之。顏曰。彼雪我恨。理宜往謝。况彼以求孤为名。若不早出見。后将誣我子虛。今乘民心未集。宜往投之。使众知我尚存。而不二于彼。是亦兴复之一計也。我命在天。彼岂能害我乎。于是詣福广。广果詰辨真假。头目李什出曰。此真幼主伯顏也。广曰。吾为尔报仇守境。子德我否。顏曰。骨肉相殘。顏之罪。得公董正。永矢含环。广曰。吾非利尔土。忧尔力弱。自治未能。故代为守耳。顏答曰。顏不幸。先君遭难。越在草莽。无能半刃父仇。煩劳車馬。不孝莫大矣。感公威德。除害安民。俾亡父得瞑目泉下。公之惠也。苟得數頃田以存宗祀。終养老母。予愿足矣。遑望其他。广曰。子真智人也。可权領上隆州事。顏再拜而退。事广甚恭。或有言于广曰。伯顏賢。且得人心。恐非池中物。宜早图

之。广于是亟促顏来州。欲将加害。李什覺其謀。扶顏渡河奔富
劳。繼又偕母夺路奔归德州。州牧黃隍城納之。旋以会猎为名。約
向武州牧黃志、果化州牧趙榮、向上林邑令黃嵩、毕至丹良。隍城
乃出顏語以故。众皆憤起曰。福广不仁。使孤郎顛沛至此。不与圖
恢复其土。非丈夫也。西北諸寨。公自代之。东南二关。某等助
击。于是顏由思恩过东兰。入鷄州安清崗。李什探知来迎顏于邕
馬。顏曰。尔来。吾事济矣。遂命李什招諭兵目。不数日。至者以
千計。遂守鷄州。福广聞知、乃率众来攻。數却之。丁亥年。公略
上下隆。克之。寻复为福广所夺。顏敗走。福广追之甚急。俄有兵
拒福广。兵退。人馬忽隱去。人以为明威將軍之灵也。明年。公复
上下隆。又明年乙丑。复恩城巩例隘等处。一夜兵目咸夢怀远大將
軍世兴公囑曰。善保吾孙。复我故土。次日。战于錦。部下有叛卒
揮刀刺顏。不中。顏擒斬之。自是部下无敢攜貳者。辛卯年。福广
攻鷄州。不克。乙未年。归德州諸州会兵入田討福广。广敗。遁回
泗城。田州乃定。秋九月。顏旋复襲父职。設位告祖。衣縞哭奠。
明年戊申。明太祖洪武元年也。平章楊景下两广。岑伯顏率上林邑
令黃嵩、归德州牧黃隍城、向武州牧黃榮、諸州納款。繳元朝印
綬。詔改田州路为府。授伯顏知府事。时元有伯顏宰相。太祖恶其
名。因賜改名坚。且賜宴。下詔曰。广西岑黃二姓。乃五百年忠孝
之家。勅礼部好好看待。着江夏候送岑坚回田州。世守知府事。子
孙代代相承傳替。欽此。顏归田。二年。遣子永宣上貢馬匹方物。
詔賜綵币。自是朝貢如制。六年。谿崗苗賊窃发。顏討平之。敘功
晉授怀远大將軍。奏請賑卹安州、順龙州、侯州、阳县、罗博州、
龙威几寨居处人民等。詔从所請。命有司蠲免稅租二年。各給牛
米。十六年。举子永昌出繼思恩州。永通分治上隆。癸丑年。妻周
氏卒。顏哀痛几絕。喪葬悉尽礼制。甲寅年。福广逆命。顏从江夏

侯征之。福广敗死。顏釋前怨。諭其子善忠归附。并奏請仍授以知泗城州职。詔命許之。戊午年。顏奉檄征东兰叛賊韦錢保。平之。二十年。顏复遣子思恩知州永昌貢馬匹方物。詔賜顏飞魚服。顏憫州境人民迭遭兵燹。設水陆醮会。超度陣亡。修筑城垣。整理衙署。葺鐘鼓楼。題其樓曰思居堂。又修德政。延师教諸子。建城隍、社稷、神农諸坛庙。劝課农桑。又倣各卫纛帜屯練之制。以簡訓兵目。諸州翕然从风。惟都康州不遵約束。顏于是請改隶布政司而不貪权轄。顏秉性仁孝。每痛父不得其死。輒涕泣終日。邻封无不称其賢。顏疾病。勗諸子曰。福善禍淫。天道也。修吉悖凶。人事也。煌煌經史。尔曹勉之。吾生恨不能保父正終。吾死后。凡事一切从儉。无違我言。永乐元年。卒。生子曰永通、曰永宣、永泰、永高、永隆、永宝、永平、永宁、永康、永祿、永寿、永福、永兴、永盛、永昌、永眞。

清季雍正四年。目民耆老公呈詳請从祀乡賢。詳見省志人物。循例以嫡长子永通襲父职。通字心菴。正統八年。賜知府。通好學工詩、著作甚富。上游咸器其才。時諸蠻煽亂。洪武十七年。時都指揮使耿良奏称。田州知府岑坚泗城知州岑善忠。率土兵討捕苗獠。多樹功績。臣請令各选其壯丁五千。分立二卫。以坚子永通、以善忠之子振为千戶。統領守御。可战可耕。是亦屯田御寇之一术也。詔如其請。授永通千戶。繼而出知上隆州。洪武二十九年。永通遣从子岑安入貢。詔賜騎帛鈔錠。永乐元年。伯顏卒。通回田州襲职。其土隆州事。以次子琮代。琮母陈氏。同子赴上隆任。通自回田襲任以来。民頌其德。建留丽楼。通自作文以記之。永乐二年。交趾陪臣黎季犛弑其主曰焜。大杀陈氏宗室。自立为主。更姓名曰胡奎。改国号曰虞。改元曰元圣。复詐为日焜表上言无子。陈氏絕嗣。甥胡奎为众所推。乞准署国事。帝覺其奸。四年七月。命新成

侯張輔、沐晟、都督柳升等提兵討之。以張輔佩征蠻將軍印。委永通為前部。時通領田州土兵萬人隨征。破鷄陵關。連敗賊于嘉林。并克東都、西都。胡奎焚宮而遁。于是三江、宣洮等州縣皆望風而降。通皆撫綏得宜。秋毫無犯。民情悅服。兵次富良。與大兵合。會師大破海舟。生擒胡奎父子。及黎氏支屬。俘獲無余。安南悉平。詔置交趾郡縣。設三司領之。又于交廣分界立溫衛及隘留關。通領兵守御。未几復有殘黨簡定。糾眾作亂。偽稱日南王。七年。復命張輔會兵往剿之。通隨從征。兵進慈廉等州。大破賊眾。簡定授首。陳其臣李擴乘亂嘯聚。垒石寨海口。集巨木立砦。以抗王師。張輔檄通進捕。通諭眾曰。賊得地利。守險負隅。水中兵不可以克。乃夤夜舍枚直入海口。出其不意。遂起石通舟。經抵其穴。賊大駭曰。天兵飛來矣。悉潰走。通選部眾。以老弱者留后。以健壯者充鋒。晝夜追襲。賊自相蹂踐。死者不可勝數。李擴及妻子皆就擒。交趾悉平。十一年冬。師乃旋。議敘功。授都指揮使。仍攝田州知府事。晉階中順大夫。生子祥。字善政。洪熙十九年。襲知田州府事。撫綏兵目。宣德元年。清化縣土巡檢黎利復叛。勢猖狂。榮昌伯陳智不能御。因之免官。以成山侯王通代之。統兵進討。通知岑祥繕兵。征為左翼。隶都督柳升麾下。命兼程進取。務灭此而后朝食。祥進曰。交賊乃烏合之眾。易散難合。合則易击。散則難捕。我進彼退。难于成功。不知靜以待動。若孤軍深入。倘入伏中。誰為我援。請公裁之。升曰。不入虎穴。焉得虎子。吾從大將軍張輔。身臨數十餘陣。覘此小丑。如猫捕鼠耳。何足為慮。遂不聽祥言。且飭令祥居后。自領前鋒而進。祥出而嘆曰。不能成功。數使然也。升先士卒進。至倒馬坡。迷失道途。陷于伏中。賊兵四起。升不能支。中創身殞。黎明。祥領后軍亦至。不知升所在。已而士卒潰回。知升已沒。祥督兵前進。遇賊于途。大敗之。

追至倒馬坡。得升屍于泥淖中。乃旋。黎利知不可敵。乃遺書与王通請和。并乞立陳氏。通以書獻于朝。帝以示众臣。宰相楊士奇曰。求立陳氏者。乃太宗初心也。求之不得。乃郡县其地。叛乱相尋。今陳氏既有后。因其請立之。以息吾众。漢棄珠崖。前史榮之。帝曰。皇考言。朕亦聞之。乃議罢兵。廷議以祥援迟。致升陷沒。不敘其功。后因惡目捏款誣祥。赴告南京御史臺下。符逮祥。州民留行。祥曰。抗拒宪令。非保宗計也。吾理直气壯。行何惧焉。惟得二三賢目輔行可矣。乃請其叔永眞暫代理州事。力疾前往。卒于长沙。生子紹。字克先。正統二年襲職。正統八年。詔賜知府岑紹誥命。并封贈其父母妻。隨御史馬昂平瀧水賊趙普旺。平之。有功。詔晉崇阶授中宪大夫。母及妻皆封恭人。紹生子鑑、鏞、鐸、鎮、欽、鉦。循例以嫡子鏞字在东襲職。景泰五年。土目呂赵挾庶长子鑑爭襲。鏞奔省城。時父紹因患忿而卒。鏞聞訃。悲号几絕。勺水不入口者累日。越數年。呂赵杀鑑立鉦。寻又弑鉦。以己孫呂嬰冒襲。天順元年。自称无敌大將軍。張旗帜。鳴鉦鼓。率众掠南丹州。又寇向武諸州。武进伯朱瑛以事上聞。兵部命瑛及思恩守岑瑛剿捕。未克。三年。巡按叶盛复奏田州叛目呂赵兵勢猖獗。杀知府岑鑑。占据地方。伪称太平王。图謀岑氏宗族。冒襲府職。帝命总兵速討之。四年巡按御史吳禎奉勅剿捕。乃选調官軍土兵攻破工饒婪凤二关。直擣府城。呂赵度不能御。攜妻子并挾上隆知州岑鐸宵遁。鐸系鑑弟。官兵追至云南富州。夺回鐸等及其子若婿。斬首四十級。賊众率降。赵仅数騎逸鎮安。亦追获斬之。及其子四人及从賊十八人。获其妻奴并伪太平王木印、无敌將軍銅印、凤旗盔甲等物。田州乃宁。詔命鏞公归襲。掌知府事。帝遣使齎敕奖諭禎等。并敕鏞謹守法度。保全疆土。鏞至境。始为父发丧。蔬食三年。居宿于外。每墨經視事。好讀書。通經史及諸家兵法。为

治有体。修城濬池。葺公厅。建义学。禁火葬。一变蛮獠之陋习。成化元年。大藤峽侯大狗劫掠城市。无虚日。盘踞要害。修仁荔浦二县民更为贼羽翼。韩雍檄鏞兼程趋桂林。以汉土官兵十六万破修仁等地。穷追侯大狗至力山。大败之。斩俘凡八千五百有余。藤峽悉平。詔遣兵科给事中王秉彝齎敕諭鏞。并赐银币。继又檄调赴剿广东獠寇。奋勇破贼。屡以奇兵胜。朝廷嘉之。擢授布政使司右参政。仍管田州知府事。并赐银币。二年。总兵赵辅奏鏞从戎勲績。請給誥命。旌其父母及妻。詔从之。五年。复以辅言予鏞官誥。田州故有祠祀。

清季雍正四年。州牧以目民耆老議狀。詳請从祀乡賢。詳載省志人物。生子曰灝。曰澄。曰清。曰溥。循例以溥字广沛。于成化十年襲职。十六年。田州土目黄明聚众作乱。知府岑溥走避思恩。总督朱瑛調参將馬义率兵捕明。明败走。为恩城州岑欽所执。并族属誅之。继欽与溥交恶。攻夺田州。逐溥。杀五百余家。溥出亡。时泗城州岑应方恃兵强。复党欽。杀擄人民二万六千余。与欽割田州而分据其地。弘治三年。总制遣官获溥子獬入田州。为欽所逐。寓居潯州。按察使陶魯率官軍次南宁。岑欽拒敌。败走。而岑应复援之入城。陈兵以备。巡撫秦紘請合貴州、湖广及两广軍兵合剿之。岑欽势孤。乞兵于岑应。应不从。岑欽遂杀岑应父子。已而梁接詐以兵送岑欽至田州界。亦杀岑欽父子。事聞。廷議仍命岑溥还田州供职。留知府任以观后效。弘治九年。总督邓廷瓚奏言。岑溥前以罪革。比随征屡有功績。乞复其冠带。領兵赴梧州听調。从之。寻以武宗登极。晋中順大夫。生子曰獬。曰猛。循例以獬襲职。惟獬性桀悍不馴。目民怨之。溥曰。岂可因一人而失民望乎。遂議傳襲于猛。獬怒。十二年。溥自梧州回田州。按部四境。獬以兵劫溥夺印。溥憤恨成疾。以官篆付猛。囑头目黄驥、李蛮等善輔佐之。

遂嘔血數升而卒。眾遵命以猛告襲。猛字濟夫。于正德三年准襲知田州府事。父為逆兄琥逼死。時猛甫幼齡。土目李蠻謂黃驥曰。亂臣賊子。人人得而誅之。況吾儕奉老主之遺命乎。子善保幼主。吾走赴憲台告襲。即召眾殺琥雪恥。驥首肯。奉猛之祖母覃氏。將猛匿衣簣中偕出。奔蒼梧。李蠻招集義兵。殺琥于朔勒。聞于督撫邓廷瓚。題奏准猛公歸襲府職。旋至南寧。李蠻來迎。黃驥恐蠻分其權。殺其使。時蠻率兵至旧田州。驥惧。誣蠻為變。請討之。廷瓚檄思恩守岑濬以兵卫猛歸。驥陰叛事濬。濬受驥賂。納其女。且挾制猛。分其六甲地与濬。李蠻聞驥貳于濬。拥兵拒之。濬使人責蠻。蠻曰。吾无貳。不幸禍及先主。幸蒙天監。賊子已誅。今復遇亂。仆不敢納。愿明公明正驥罪。使幼主得安宗祀。仆之愿也。否則非仆所知也。濬怒。命驥復以猛奔思恩幽之。事覺。督撫廷瓚檄濬歸猛。濬不听。十一年。总督邓廷瓚复檄副总兵欧磐等临之以威。濬始畏惧。出猛置于会城。久得奏。命猛襲知府事。驥与濬怒其事之不由己出也。要約泗城岑接（即梁接）、东兰州韦祖铤。各起兵攻蛮。接兵二万。先入田州。大掠人民。杀戮八百余。驅之溺水无数。括府庫。放火扰掠。城郭为圯。濬兵二万。攻旧州据之。杀掠男妇五千三百余人。复大索田州官族。尽坑之。猛与蛮出奔。仅以身免。十八年。都御史潘蕃請兵討之。濬留犹子洪守旧州。蕃兵直抵其寨。濬势穷。遁于旧城。諸軍合剿攻之。濬死。洪聞之。棄兵随濬子起云远颺。不知所在。初蛮之迎猛也。无他念。及猛在外。蛮守土以待其归。驥爭权首乱。濬、接、祖铤党恶。以致茲变。参政武清受濬賂。曲右之。且誣蛮据府治。阻兵弄权。事竟不直。有司請治濬罪。于是总督邓廷瓚議以思恩既平。宜設流官知府。岑濬罪惡正在逐捕。而田亦宜乘此区画。降府为州。毋基異日尾大之患。从之。廷議以岑猛失职。致陷府治。宜降为福建平海卫千戶。